

ვიქტორია და ნიაგარა



დედამინაზე ზევრი ჩანჩქერი არ-
სებოვს. შენი აზრით, რით შეიძ-
ლება ისინი განსხვავდებოდნენ
ერთმანეთისაგან? ნაიკითხე ტექს-
ტი და შეამოწმე შენი ვარაუდი.

ჩანჩქერი ბუნების ერთ-ერთი საოცრე-
ბაა. იგი წარმოიქმნება იქ, სადაც მდინარე
საფეხურის მსგავსი კალაპოტიდან ვარდე-
ბა. ასეთი „საფეხურის“ სიმაღლე შეიძლე-
ბა რამდენიმე ასეული მეტრიც კი იყოს.
ვარდნის დროს ჩანჩქერი ძალიან ლამაზი
სანახავია. თავისი აქაფებული წყლით იგი
დიდ შთაბეჭდილებას ახდენს მნახველზე.

დედამინაზე უამრავი ჩანჩქერი არსე-
ბობს. მათ შორის თავისებური სილამაზით
გამოირჩევა ვიქტორია და ნიაგარა.

ვიქტორია მსოფლიოს ერთ-ერთი უდი-
დესი ჩანჩქერია. ის აფრიკაში მდებარე-
ობს, მდინარე ზამბეზზე. ვიქტორია ორი
ქვეყნის, ზამბიისა და ზიმბაბვეს, საზღ-
ვარზეა. მას ინგლისის დედოფლის სახელი
ჰქვია. აფრიკელები კი ამ ჩანჩქერს თავი-
ანთ ენაზე მგრგვინავ კვამლს ეძახიან.

მგრგვინავი კვამლი სიგანეში 1708
მეტრია. იგი ვარდება 108 მ სიმაღლიდან.
ვარდნის ხმა თითქმის 40 კმ-ზე ისმის. ამ
დროს 400 მ სიგანის ორთქლი და ნისლი
წარმოიქმნება. მისი წყლის შხეფები 50 კმ-
იდანაც კი ჩანს. ეს სანახაობა შორიდან
კვამლს ჰგავს. ერთი შეხედვით გეგონე-
ბა, რომ აქტიური ფულკანის კრატერიდან
კვამლი ამოდის. ჩანჩქერის წყლის წვეთები
მთელი დღის განმავლობაში ცისარტყელას
წარმოქმნის. ყველაზე საოცარი ის არის,

რომ იგი ზოგჯერ ღამითაც ჩნდება.

ჩანჩქერის პირას ტბორი წარმოიქმნე-
ბა. მას უცნაური სახელი, „ეშმაკის აუზი“,
ჰქვია. თუმცა იქ ცურვა არც ისე საშიშია.
ტბორის ფსკერზე ქვის ბუნებრივი კედე-
ლია. იგი მოცურავებს საიმედოდ იცავს,
რომ დინებამ არ წაილოს და უფსკრულში
არ ჩაიტანოს.

აფრიკის ამ საოცრებას ყოველ წელს
ასიათასობით უცხოელი ტურისტი სტუმ-
რობს. ვიქტორია იუნესკოს მსოფლიო მემ-
კვიდრეობის ძეგლების სიაშია შესული.

ჩანჩქერი ნიაგარაც ორი ქვეყნის, აშშ-
ისა და კანადის, საზღვარზეა. მისი ერთი
ნაწილი კანადის მხარეს მდებარეობს. აქ
წყალი 53 მ სიმაღლიდან ეცემა. იგი სიგა-
ნით 700 მ-ია. მეორე ნაწილი ამერიკის
მხარესაა. მისი ვარდნის სიმაღლე 21-30
მ-ია, სიგანე – 323 მ. ამ ორ ნაწილს ერთ-
მანეთისგან კუნძული ყოფს. ჩანჩქერის
სახელი აქ მცხოვრები ინდიელების ენიდან
მომდინარეობს. ის ნიშნავს წყალს, რომე-
ლიც გრგვინავს.

ულამაზეს ნიაგარას ყოველ წელს უამ-
რავი ტურისტი სტუმრობს. მათ შეუძლი-
ათ საბაგირო გზით, ვერტმფრენითა თუ
საჰაერო ბურთით ზევიდან გადმოხედონ
ნიაგარას. ზაფხულში ჩანჩქერს ლამლამო-
ბით სხვადასხვა ფერის პროექტორებით
ანათებენ. ეს ძალიან ლამაზი სანახავია.

1885 წლიდან ჩანჩქერის მიმდებარე
ტერიტორია ნაკრძალია.

შენი აზრით, ყველაზე მეტად
რით ხიზლავს ჩანჩქერი ვიქტო-
რია მნახველს?

▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

1 ტექსტის მიხედვით, ორივე ჩანჩქერი:

- ა) ერთ ქვეყანაში მდებარეობს.
- ბ) მნახველს ცისარტყელებით აოცებს.
- გ) ორი ქვეყნის საზღვარზეა.

2 „წყალი, რომელიც გრგვინავს“, — ასე უწოდებენ ადგილობრივი მცხოვრებნი:

- ა) ვიქტორიასა და ნიაგარას.
- ბ) მხოლოდ ჩანჩქერ ვიქტორიას.
- გ) მხოლოდ ჩანჩქერ ნიაგარას.

3 ტექსტში ნათქვამია, რომ ვიქტორია ნიაგარაზე:

- ა) უფრო განიერი ჩანჩქერია.
- ბ) უფრო საშიში ჩანჩქერია.
- გ) უფრო ძველი ჩანჩქერია.

4 „ეშმაკის აუზს“ უწოდებენ იმ ადგილს:

- ა) სადაც ვიქტორიას ვარდნისას ორთქლი წარმოიქმნება.
- ბ) სადაც ჩანჩქერ ვიქტორიასთან ტბორი წარმოიქმნება.
- გ) სადაც კუნძული ნიაგარას ორ ნაწილად ყოფს.

5 იუნესკოს მსოფლიო მემკვიდრეობის სიაში შესულია:

- ა) ნიაგარის მიმდებარე ტერიტორია.
- ბ) უზარმაზარი ჩანჩქერი ვიქტორია.
- გ) ულამაზესი ჩანჩქერი ნიაგარა.

▶▶▶ ლექსიკა

1 გაარკვეე ხაზგასმული სიტყვების მნიშვნელობები.

1. აქტიური ვულკანის კრატერიდან კვამლი ამოდის.
ა) მოქმედი. ბ) უზარმაზარი. გ) ჩამქრალი.
2. ჩანჩქერის პირას წარმოიქმნება ტბორი.
ა) გუბე. ბ) ზღვა. გ) ტბა.
3. ადამიანს კედელი იცავს, რომ წყალმა უფსკრულში არ ჩაიტანოს.
ა) მოზრდილ ტბორში. ბ) ღრმა ხევში. გ) სწრაფ მდინარეში.

2 ხაზებით შეაერთე სიტყვები და მათი მნიშვნელობები.

1. კალაპოტი ბუნებრივი გარემოს შენარჩუნების მიზნით დაცული ტერიტორია.
2. ნაკრძალი ვულკანის ჩალრმავებული ადგილი, საიდანაც ამოდის ლავა.
3. კრატერი მინის ჩალრმავებული ზედაპირი, რომელშიც წყალი მიედინება.

3 ხაზებით დააკავშირე მსგავსი მნიშვნელობის სიტყვები (სინონიმები).

- | | |
|--------|--------|
| ფსკერი | ბურუსი |
| კვამლი | ძირი |
| ნისლი | ბოლი |

▶▶▶ გრამატიკა

1 სწორად შეარჩიე გამოტოვებული სიტყვები.

1. ჩანჩქერის სახელი ინდიელების ----- მომდინარეობს. (ენიდან / ენისგან)
2. აფრიკელები ჩანჩქერ ნიაგარას ----- ენაზე მგრგვინავ კვამლს ეძახიან. (თავის / თავიანთ)

2 რომელ სიტყვას ვერ გადაიყვან მრავლობით რიცხვში?

- ა) დედოფალი. ბ) მხარე. გ) ორთქლი. დ) წვეთი.

3 იპოვე შეცდომები და აღნიშნე X-ით.

☒ სხვა და სხვა.

☐ სხვადასხვა.

1. ☐ დიდი სიმაღლედან.

☐ დიდი სიმაღლიდან.

2. ☐ ლამლამობით.

☐ ლამ-ლამობით.

3. ☐ კედელის.

☐ კედლის.

4 დაწერე სიტყვები ნიმუშის მიხედვით.


ნიმუში: ჰაერი – საჰაერო.

1. ბაგირი – -----.

2. ზაფხული – -----.

▶▶▶ წერა

1 შეავსე ვენის დიაგრამა. დაწერე, რით ჰგავს ვიქტორია და ნიაგარა ერთმანეთს და რით განსხვავდება.



2 წარმოიდგინე, რომ საშუალება მოგეცა მეგობართან ერთად ეწვიო ერთ-ერთ ჩანჩქერს. რომელს აირჩევდი და რატომ? მისწერე წერილი მეგობარს და შეატყობინე ეს ინფორმაცია. დაუსაბუთე შენი არჩევანი. წერილი გააფორმე ნახატით.
